

PHILEMON

Di Lede a Paul ang gi Philemon

Di haga modongoohia:

Philemon tangada aamua i di nohongo dabu i Colosse, dana hege go Onesimus. Di hege deenei ne lele gi daha mo mee, gei nomuli ga heetugi gi Paul i di mada-goa Paul nogo noho i lodo di hale galabudi. Paul ne hidi ai Onesimus gaa hai di tama Christ.

Di lede a Paul ang gi Philemon, Paul e hagamahi gi Philemon gi manawa lama-lia mo di dumaalia ang gi Onesimus, dela ne hagau go Paul gi mee, gaa hai bolo mee gi benebene ina a mee, hagalee bolo mee dela di hege e kae di wwede ono hala, gei i mee dela tuaahina dama a Christ.

Di hagahonu di beebaa deenei:

Di haga modongoohia (1-3)

Paul e hagaamu a Philemon (4-7)

Tangidangi hagamahi i Onesimus (8-22)

Di hagaodi o di lede (23-25)

¹Mai baahi o Paul, tangada galabudi i di gili o Jesus Christ, mo mai tatau duaahina go Timothy, ang gi di goe di mau ihoo hagaaloho hai hegau go Philemon, ²mo ang gi di nohongo dabu dela e dagadagabuli i lodo doo hale, mo tatau duaahina ahina go Apphia, mo anga labelaa gi tatau ihoo dauwa go Archippus.^a

³God tatau Damana mo tatau Dagi go Jesus Christ, gi dugu adu gi goodou tumaalia mo di aumaalia.

Di aloho mo di hagadonu Philemon

⁴Dogu duaahina go Philemon, nia madagoaa huogodoo au e dalodalo ge e haga langahia goe, e danggee ang gi God, ⁵idimaa, au

^a 1.2 Colossians 4.17

gu longono eau do aloho i nia daangada a God huogodoo, mo do hagamodonu tadau Dagi go Jesus. ⁶Au e hai dalodalo i tadau hagamodonu i di hagamodonu, gaa hidi ai gidaadou ga modongoohia nia hagamodonu huogodoo, ala gu hai mee ginai gidaadou i tadau mouli buni anga gi Christ. ⁷Dogu ihoo hagamodonu, do aloho gu hidi mai iei au gu tenetene huoloo, gei gu hagamodonu aga ugu lodo. Goe gu hagamodonu nia manawa o nia dama a God huogodoo.

Tangidangi i Onesimus

⁸Idimaa goe tuaahina ni oogu mai Christ, gei au guu mee di helekai adu gi di goe bolo goe gi heia di mee dela e humalia di hai kooe. ⁹Gei di maa au e aloho i di goe, gei au ga dangidangi adu gi di goe. Au e hai di mee deenei, ma e aha maa au go Paul, e pono a Jesus Christ, gei dolomeenei au e galabudi i di gili o Christ. ¹⁰Au e pono Onesimus, e hai tangidangi deenei adu gi di goe. Mee guu hai tama daane donu ni aagu mai i Christ, idimaa, au guu hai tamana ni mee i dogu madagoaa e noho i lodo di hale galabudi.^b ¹¹Di madagoaa i mua, gei mee nogo deai dono hadinga adu gi di goe ai, gei dolomeenei gu dahidamee ngaadahi mai gi gidaua.

¹²Au e hagamodonu Onesimus gi muli, gei dogu manawa e hanadu madalia a mee. ¹³Au e hiihai bolo mee belee noho dalia au i ginei i dogu madagoaa e galabudi iei au i di gili di Longo Humalia, e pono do lohongo, e hagamodonu au. ¹⁴Au hagamodonu hono adu gi di goe bolo gi hagamodonu ina au. Au e hiihai bolo goe gi heia aga hua i lodo do manawa. Au hagamodonu hai di mee dela hagamodonu donu ginai goe.

¹⁵Holongo Onesimus gu mogowaa i di goe i tama madagoaa bodobodo, gei goe belee gahigahi adu a mee gi doo baahi labelaa i nia madagoaa huogodoo. ¹⁶Dolomeenei gei mee hagamodonu di hege, mee guu hai tuaahina hagamodonu dama a Christ. Mee gu dahidamee huoloo mai gi di au, gei mee ga dahidamee adu gi di goe huoloo, i mee hagamodonu di hege hua, gei mee tuaahina ni oou i di gulu buni anga gi Tagi.

¹⁷Maa goe e hagamodonu adu bolo au di hoo ni oou, benebene ina a mee, gadoo be goe ma ga benebene au. ¹⁸Maa mee guu hai dana hala adu gi di goe, be e boibana dana mee adu gi di goe, gei goe duguina mai nia mee aanei e hagamodonu koau. ¹⁹Au e hiihi nia mee aanei gi dogu lima donu: *Au go Paul ga hui adu laa gi di goe.* Au hagamodonu belee hagamodonu langahia adu i o boibana mai gi di au i do mouli. ²⁰Deenei laa, dogu duaahina nei, dumaalia hagamodonu gila ina di mee deenei i di ingoo o Tagi. Goe hagamodonu tenetene ina dogu manawa be di hoo ni oogu i di ingoo o Christ.

^b 1.10 Colossians 4.9

²¹Au e iloo i dagu hihi adu nia mee aanei, bolo goe ga haga gila dagu dangidangi deenei, gei e donu, au e iloo bolo goe gaa hai labelaa gi nonua. ²²I di madagoaa la hua, gei goe gi hagatogomaalia ina dagu gowaa e noho ai, idimaa, au e hagadagadagagee bolo God ga hui adu laa godou hai dalodalo, ga lahadu au gi goodou.

Nia hagaaloho hagaodi

²³Epaphras dela e galabudi madalia au i di gili di ingoo o Jesus Christ, e hagau adu dana hagaaloho,^c ²⁴mo ogu ihoo hai hegau aanei, go Mark, Aristarchus, Demas mo Luke e hagadae adu di nadau hagaaloho.^d

²⁵Tumaalia o tadau Dagi go Jesus Christ gi madalia goodou.

^c 1.23 Colossians 1.7; 4.12 ^d 1.24 Nnegau 12.12,25; 13.13; 15.37-39; 19.29; 27.2; Colossians 4.10,14; 2 Timothy 4.10,11